

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلقی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]


اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایستلین
یازیلر اعاده اولونماز .



دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر
محمد عا کف

صاحب و مدیر مسئول
اشرف ادیب

اتبهون اهد کم سبیل الرشاد

عدد : ۳۸۰

۲۳ صفر ۱۳۳۷

پنجشنبه

۲۸ تشرین ثانی ۱۳۳۴

جلد ۱۵

اسلامیت ، دور جهالت و تعصبك علوم و فنون ايله زوالندن
صوكرامدينك اداره و سياسته حاكم اوله بيلمك سويه سندن يك
چوق اوزاق اولان انجيلك بوسبوتون ضدی اولارق ناظم و مرشد
اولق خارسه سنه مالكدور .

قانونيك برحکومت ، جمهوريتي قراليت ، يا خودبونلرك ايكنجيسيني
برنجيسنه قلب ايتك كي كلیسا تشكيلاتنه ، بر عبادت و دعا محلی اولان
معبد دروننه خصوصي مكاتب ، میسیونرلكر ، ملی و سیاسی فكر
جریانلری ، استفاده مالمیه متقابل سیاست مروجلكی و یا بانكیه لك
ادخال ایتش اولان مؤسساتی كیندی ایشنه اجرای تأثیردن منع
ایتمه سی باشقه ؛ برده بونلرك هیچ بری بولونماقدن ماعدا بالعکس
مساوات حقوق ، تأمین عدالت ، ایقاپ سیاست ، ارائه طریق حکمته
مأمور و هیچ بر امتیازی اولمایه رق خلیفه یه ، پادشاه بيله عدل و یا
ظلم نقطه سندن حاكم اولان دین اسلام ، بنه باشقادر . همه ده يك
باشقادر . بنه علیه بوايكي تشكيلات بیتنده ذره قدر مشابهايت یوقدر .
حکومت مز دینه ، و اونك تاقین ایتدیكي اجتماعیات و حقوق
قانونلرینه خالصانه رعایت ایتدیكي و ادنی بعضاً ظاهراً طوناركن
اکثریا باطناً بیراقدینی ایچون اداره و سیاستنده موفق اولامادی .
حال بویه اولونجه و دین اسلامك اك علوی و اك انتهائی بر
« ده موقراسی » نی کوزمزه ، دماغمزد صوقان « كلکم راع و كلکم
مسئول عن رعیت » اخطار جایلندن صوكرام « ته موقراسی » وجودینی
ادعا ايله موجود اولمایان بر شیشی قالدیرمق حسی نه قدر غیر طبیعی
ویا كلشدر .

بزده ؛ ادراكده ، حسیاتده ، عقل سلیمده هپسی ... هپسی
جدی و دقیق بر مسلمان ، همه ده علماً متمدن بر مسلمان سیاستی ايله
الده ایدیله بیلیر . ذاتاً بودین « معامله دینی » ، « ناصح اولمق دینی »
و « راسخین ، دینی در .

خلافت اسلامیه

آتی غزته سندن :

« شرق و اسلام عالمی بذاته ده موقراتدر و اوندن باشقه بر سلطه طانماز .
اوروپانك حالا واره مدینی اس مساواته بز اون اوچ عصر اول كلشدر .
ایکی ذهنیت باشقه باشقادر . بنه علیه اوروپاده [رومانو] ، [هابسورخ]
[هوهنجولرن] کی اعصار دیده ، لکن ده موقراسی به مانع و اونكله مبارز
سلطنت خاندانلرینك انقراض و اندراسی ده موقراتیق بر مؤسسه اولان خلافتك
استعلاسی موجب اولور .

بر آر آفرانغه به یاقین ، لکن حقیقت تاریخی و روحیات شرقیه ايله
القی اولمایان کیمسه لر و بالخاصه بو وطن ايله مناسبتلری مذهب بوقلمونلرینه
اولان نسبتلرندن فضله بولونمایان بر طاقلری ، بلکه ، بو جلوه تاریخی
آكلامازلر . فقط ، امین اوله لم كه قوافل ملائكه آوه سنده یالکیز برابلیس
رجیم چیقابیلیر ؛ فضله سی چیقاماز . اونك کی اوچیسوز میلیونلق جمهور
مسلمینك صلابتنه خلل كلز .

هیچ بر دولت ماصره خلافته سنك انداز اولماز ، چونكه خلافت

دولتلك فوقنده در . خلافته تعرض ایتك ، اونق تقویه دن باشقه بر نتیجه یه
پیوسته اولماز . اكر ، فرض مستبعد اوله رق بر دوات مادیه خلافتی بیقمق
ایسترسه ، قایلدره ؛ سچیبه ده ، فطرنده ، حقیقتده مرکوز اولان بوشجره ،
بودانوب کسب قوت ایدن بر نهال کی ، یکی بر قوت ايله فیشفیره جق ،
و کندی وجودینه هائل اولاق موجودیتلری بیقه جقدر .

خلافت اسلامیه ، اوچیسوز میلیون فردك بر ده موقراسینك ، بر جمهورك ،
ده موقراسیدن باشقه بر سلطه طانمایان بر قسم بشریتك عمل و مشخص
موجودیتی ، ترجان آمالی ، محصله تاریخیه سیدر . جمهور مسلمین ، آمریقا
ده موقراسیدن ، آتقی ۱۷۸۹ ده وجودینی آکلایان فرالسه جمهوریتندن ،
حالا سفین شك ایچنده بولنان انکلیز ده موقراسیدن اسکیدر ، بنه علیه
قابلیت حیاتییه سی فضله در .

..... سیوری عقلا واز ؛ بو عصر ده موقراسی ايله خلافت ناصیل
قابل تألیف اولور ؛ خلافت ده موقراسینك تأیید و تأکید دیگدر . دنیا ده
اك متعصبی ، اك اسکی ده موقراسی جمهور مسلمیندر . بز بو موضعه
عقائد اعتباریله دكل ، بر کیت سیاسی و اجتماعی اولق اوزره اسلامیتدن
بحث ایدیورز . اسلام بر ده موقراسیدر . ده موقراسینك ضد کاملی اولان
اوروپا آریستوقراسینك هیچ بر ذره سی موجود میدرکه بو ، اسلامیه مظهر
مساحه اولسون ؛ حریت ، اخوت ، مساوات ، (فران ماصورنی) دن
اول اسلامیتك تقریرینه مظهر اولمشدی .

دها اوست طرفنه کیده لم : بوگون (قاپیتالیزم) علیینه بر قیام عمومی
و کونی وارددر . مزاجه ، فائض ، قاپیتالیزست بر عالمك تکاملنه بادی
اولش ؛ فی الحقیقه ترقیاتی ده انتاج ایتش ایتسه ده ، بوسلطة اغنیا ، میلیونلره
انسانك فقری ، بو فقرده عظیم بر مساواتلرنی ، بو حال ایسه طبقات
اجتماعیه مخالفتی ، محاربه عمومی ؛ سوسیالیزمی ، بالشویزمی احباب وانتاج
ایتدیرمعدر . بو اعتبار ايله اقتصادیات اسلامیه ايله سوسیالیزم آره سنده
بو یوك بر قرابت مشاهددر . دون طولاش بنه عالم (حرمت ربوا) یه
کلور . ترقی ، تکامل ، نفیض هر وقت ایلریده دکلدر . اكر اوله
اولسه یدی اك صوك زمانلرنده محاربه عمومی کی بر بادره و لهره ، نوع
بشری دوجار ألم و ماتم ایتزدی . . .

بكا اوله کلورکه اسلامیت سیاسی و اجتماعی بو امتحاندن دها قوتلی
چیقه جقدر . اسلامیت غیر فوضوی ، لکن ایلری بر مسلك اجتماعیدر .
هله اهل اسلام ، مقام خلافته تعرض ایدلدیکنی کورونج اوکا اولان سر بوطیتی
بر قات دها آرتهر جقدر .

خلافت بر سلطنت مادییه استند ایتدیکه مستقل اولماز . تابعیت و یا
همایه اجنبیه ده بر خلافت ، خلافت دکلدر . بنه علیه آل عثماندن اولمایان
بر خلیفه نك خلافتی غیر وارددر . چونكه او خلیفه بر بنده اجانبدر .
خلافتك وجودی ، سلطنت همایه نك بقا و دوامی ، شوکت و مکتفی
مستلزمدر .

دور سابقده حاصل اولان تشقت اسلامی ، انشالله ، حکمدارنواقباللرك
ذاتلریله ، وجودلریله ازاله ایدیله جك و جامعه اسلامیه اسکینندن دها فضله
بر قوت بوله جقدر .

استطرا دأشوراسنی ده ذکر ایدلم كه خلافت اسلامیه نك مظهر تکاملات
اولمه سی تبعه اسلامیه مالک اولان بوتون دولتلك لهنه بر حرکتدر . بویه
بر خلافت ، بین الدول بر عنصر موازنه و صلاح اولور . هر دولله خوش
کچنمك شعاری و مقتضای عدالتی بولونان بر خلافت بر خیلی منازعاته مانع
اوله بیلیر . جلال نوری

بیوك بریتانیا و مقدرات اسلام

بوعنوان ايله « آتی » غزته سی مهم بر مقاله نشر ایتشدر . خالص بر
مسلمان فکریله یازیلش بومقاله نك بعض فقره لرینی نقل ایدیورز :

امیرال سور (آرتور غالتورب) ك محروسه قسطنطنیه یه وروديله